

Na temelju provedenog otvorenog postupka za LOT 2 – Obuća (ljetna i zimska) iz javne nabavke „Sukcesivna nabavka uniformi za potrebe zatvorske policije – straže u kazneno - popravnim zavodima po lotovima” i Okvirnog sporazuma, broj: 01-02-2-422/18-2-4/6 od 16.08.2018. godine zaključuje se dana 16.08.2018. godine u Sarajevu

UGOVOR O JAVNOJ NABAVCI

između

Federalnog ministarstva pravde Sarajevo (kao koordinator), Valtera Perića 15, kojeg zastupa federalni ministar pravde Mato Jozić i **Kazneno-popravnog zavoda poluotvorenog tipa Orašje**, sa adresom Dusine bb, koga zastupa direktor Ivo Ivkić (u daljem tekstu: Naručitelj) s jedne strane i

Danial S d.o.o. Tešanj, Trg žrtava 3. augusta br.1, koga zastupa direktor Haris Sejdović (u daljem tekstu: Dobavljač), s druge strane

PREDMET UGOVORA

Član 1.

Predmet ugovora je sukcesivna nabavka roba iz javne nabavke „Sukcesivna nabavka uniformi za potrebe zatvorske policije – straže u kazneno - popravnim zavodima po lotovima” za LOT 2 – Obuća (ljetna i zimska), a prema prihvaćenoj Ponudi ponuđača, broj: IP/123/18 od 15.03.2018. godine koja čini sastavni dio ovog Ugovora.

CIJENA

Član 2.

Ukupna ugovorena cijena za prvi period od 12 mjeseci sa popustom za Kazneno-popravnog zavod poluotvorenog tipa Orašje:

- Iznosi bez PDV-a: 5.652,14 KM
- Iznos PDV-a: 960,86 KM
- Ukupna vrijednost sa PDV-om: 6.613,00 KM.

Ugovorne strane su saglasne da se narudžba za zimsku obuću realizira u 2018. godini, a narudžba za ljetnu obuću u 2019. godini, te da se prilikom svake narudžbe vrši usaglašavanje veličina prema spisku pojedinačnih osoba za koje je dostavljena narudžba, a koja mora biti definisana u skladu sa Tenderskom dokumentacijom iz predmetne nabavke.

NAČIN PLAĆANJA

Član 3.

Ugovorne strane su suglasne da se plaćanje vrši na način da Dobavljač dostavlja Naručitelju fakturu za dostavljene robe, a Naručitelj vrši plaćanje fakture u roku od 60 dana.

MJESTO ISPORUKE

Član 4.

Dobavljač se obavezuje da će naručenu robu iz člana 1. ovog ugovora isporučiti u prostorijama Naručitelja.

ROK ISPORUKE

Član 5.

Dobavljač se obavezuje robu iz člana 1. ovog Ugovora isporučivati po narudžbi u roku od 120 dana za zimsku obuću, a za ljetnu obuću u roku od 60 dana po narudžbi.

GARANCIJA ZA UREDNO IZVRŠENJE UGOVORA

Član 6.

Dobavljač se obavezuje da u roku od 7 dana od dana potpisivanja ugovora dostavi garanciju za dobro izvršenje ugovora u visini 5% od vrijednosti ugovora u obliku bezuslovne bankovne garancije.

Ukoliko ponuđač ne izvršava ugovorom predviđene obaveze Naručitelj zadržava pravo na naplatu garancije za dobro izvršenje ugovora u punom iznosu.

OBAVEZE DOBAVLJAČA

Član 7.

Dobavljač se obavezuje isporučiti robe iz člana 1. ovog Ugovora Naručitelju prema specifikaciji, u mjestu, na način i u roku zahtijevanom u tenderskoj dokumentaciji, kao i važećim propisima koji reguliraju oblast kvaliteta.

Dobavljač odgovara za uredno izvršenje ugovora prema važećim propisima, štiti prava i interese Naručitelja, te ga obavještava o tijeku realizacije Ugovora.

Dobavljač prihvća eventualne reklamacije na isporučenu robu, na osnovu pismenog obavještenja Naručitelja koje će biti dostavljano u roku od osam dana od dana isporuke.

Dobavljač je obavezan ispostaviti fakturu odmah nakon isporuke robe, sa otpremnicom u prilogu, potpisanu od strane ovlaštenih predstavnika Naručitelja.

Dobavljač kojem je dodijeljen ugovor neće sklapati podugovor niti o jednom bitnom dijelu ugovora bez prethodnoga pismenog odobrenja Naručitelja. Elementi ugovora, koji se podugovaraju, i identitet podugovarača obavezno se priopćavaju Naručitelju pravodobno prije sklapanja podugovora. Naručitelj će obavijestiti prodavaoca o svojoj odluci u roku od 15 dana nakon primitka priopćenja, navodeći razloge u slučaju odbijanja. Dobavljač, kojemu je dodijeljen ugovor, snosi punu odgovornost za realizaciju ugovora.

Naručitelj neće odobriti zaključenje ugovora s podugovaračem ako on ne ispunjava uvjete predviđene Zakonom o javnim nabavama.

Dobavljač se obavezuje da, u svrhu izvršenja ovog Ugovora, neće zapošljavati fizička ili pravna lica koja su učestvovala u pripremi tenderske dokumentacije ili su bila angažirana u svojstvu člana ili stručnog lica koje je angažirala Komisija za nabavke najmanje 6 (šest)

mjeseci, računajući od dana zaključenja Ugovora.

OBAVEZE NARUČITELJA

Član 8.

Naručilatelj se obavezuje isporučenu vrijednost ugovorenih roba iz člana 2. ovog ugovora, isplatiti sukladno članu 4. ovog Ugovora.

KVALITET ROBE

Član 9.

U cilju kontinuirane kontrole kvaliteta obuće Dobavljač je dužan dostaviti Naručitelju identičan uzorak svih artikala koji su dostavljeni kao uzorci u sklopu ponude, a vrijednost dostavljenih uzoraka biće fakturisana uz prvu isporuku roba. Navedene uzorke dobavljač je dužan isporučiti 10 dana nakon potpisivanja ugovora na adresu svakog pojedinačnog kazneno-popravnog zavoda.

Prilikom isporuke predmeta nabavke vršiće se kontrola kvaliteta upoređivanjem sa dostavljenim uzorcima. U slučaju odstupanja kvaliteta od dostavljenih uzoraka aktiviraće se garancija za dobro izvršenje posla, a cjelokupna sporna roba biće vraćena Dobavljaču.

Dobavljač se obavezuje da isporučena roba bude traženog kvaliteta, odnosno onog koji je naveden u sklopu Uredbe o oznaci i znački, uniformi, službenim zvanjima, uslovima za sticanje službenih zvanja i oznakama zvanja zatvorske policije - straže i boji i oznaci vozila federalnih ustanova za izvršenje kazne zatvora („Službene novine Federacije BiH“, broj 90/17).

Naručilatelj ima pravo izvršiti dodatno testiranje pojedinih dijelova i materijala obuće, kod neovisnih institucija ili preduzeća.

Kvaliteta robe, koja je predmet ovog Ugovora, kontrolira se pri prijemu, kao i naknadno ako ugovorni organ smatra neophodnim. Roba treba biti isporučena prema ponudi, koja je u prilogu.

Sve mane i nedostatke, odstupanja od ugovorenog kvaliteta koji se konstatiraju na isporučenoj robi, Dobavljač je dužan otkloniti o svom trošku u roku od 30 dana od dana prijema pisanog obavještenja sa reklamacijom.

Troškove opravdane reklamacije snosi Dobavljač, a troškove neopravdane reklamacije snosi Naručitelj.

VIŠA SILA

Član 10.

Pod višom silom se podrazumijevaju neočekivani događaji do kojih je došlo zbog uzroka koje Ugovorne strane nisu mogle predvidjeti, izbjeći ili otkloniti, a koje imaju za posljedicu nemogućnost ili bitno smanjenu mogućnost isporuke robe odnosno plaćanja robe.

Ugovorna strana koja zbog djelovanja više sile ne može ispuniti svoje obveze, dužna je obavijestiti drugu stranu, najkasnije 24 sata od momenta nastupanja djelovanja više sile, kao i poduzeti sve mjere u cilju smanjenja ili otklanjanja djelovanja više sile.

Ukoliko ugovorna strana svoje obveze zbog djelovanja više sile ne može ispuniti u periodu kraćem od mjesec dana, druga strana ima pravo na raskid Ugovora.

RASKID UGOVORA

Član 11.

Osim u slučajevima kada je propisano drugačije, Naručitelj može 7 (sedam) dana nakon slanja obavijesti Dobavljaču, raskinuti ugovor u sljedećim uvjetima ako;

- Dobavljač ne izvrši ili neuredno izvrši ugovor,
- Dobavljač ne ispuní obveze ni u naknadno primjerenom roku ostavljenom od strane Naručitelja,
- Dobavljač odbije ispuniti svoje obveze ili iz njegovog držanja nedvosmisleno proizlazi da on svoje obaveze neće izvršiti ni u naknadno primjerenom roku.
- Ugovorni organ (kazneno popravni zavodi) ima pravo reklamacije na isporučene artikle. Reklamacija se dobavljaču uručuje u pisanoj formi. U slučaju opravdane reklamacije dobavljač je dužan u roku od 30 dana isporučiti adekvatne proizvode. U slučaju 3 puta ponovljene reklamacije ugovorni organ (kazneno popravni zavodi) pokrenuće raskid ugovora uz naknadu pretrpljene štete.

PRIJELAZNE ODREDBE

Član 12.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Orašju.

Za sve odnose i institute koji nisu utvrđeni ovim ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

Član 13.

Ovaj Ugovor stupa na snagu danom potpisivanja ugovornih strana.

Član 14.

Ovaj ugovor je sačinjen u 3 (tri) istovjetna primjerka, od kojih svaka ugovorna strana zadržava po 1 (jedan) primjerak.

DOBAVLJAČ

Direktor


Haris Sejdić

Broj: 042/029/18

05.09.2018.



Ministar - Koordinator


Mato Jozić

NARUČITELJ

Direktor


Ivo Ivkic

Broj: 02-51452-3/18

